



Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 114. Benedicti Justiniani Cardinalis extrema.

[urn:nbn:de:hbz:466:1-67344](#)

Sæc. XVII.
A. C. 1621.

§. CXIV.

Benedicti Justiniani Cardinalis extrema.

Hunc brevi sequebatur Benedictus Justinianus Genuensis Patritius in Insula Chio natus. Hic altero ætatis suæ anno hac Insula a Turcis expugnata, a piis Parentibus suis Röمام deportatus, humaniores ibidem literas didicit, demum Perusiæ ac Patavii utriusque Jurisprudentiæ summa cum laude operam navans, Genuæ Doctoratus laurea decoratus est. Mortuo Patruo suo Vincentio, per celebri ex Ord. F. F. Prædicatorum Cardinale, a Gregorio XIII. plura ejusdem beneficia, necnon Curiæ Romanæ officia adeptus, demum a Sixto V. Purpuram, & perpetui Thesaurarii dignitatem obtinuit. Fungebatur etiam Asculana & Picena Legatione, qua dimissa a Clemente VIII. gravissimis Ecclesiæ negotiis Romæ præficeretur, ubique singulari prudenter, comitate, humanitate, consilio & probitate conspicuus. Nec minus sibi cognita habebat hujus Viri merita Paulus V. qui eidem gravissimam legationem Bononiensem impo- luit, haud pœnitendo selectus facti successu; quo enim indies magis ardui

Marrac. in
Purp. Vi-
morell. in
addit. ad
Ciacon.

Hist. Eccl. Tom. LVI. Aa oc-

Sæc. XVII. occurserent labores, Justinianus seipso
A.C. 1621. quotidie valentior testatum reddebat,
ab animi magnitudine plerumque corporis quoque robur vigere, nihilque
esse tam arduum, quod impiger labor,
& agendi dexteritas superare nequeat;
quippe populum antehac turbis & cæ-
dibus assuetum blanda morum severi-
tate tam feliciter cicurabat, ut toto,
quo hac legatione fungebatur, tem-
pore nunquam ad tormenta, capita-
lesque poenas quempiam aut Nobilem,
aut Scholarem, aut civem depositare
cogeretur: vitiorum enim cursum siste-
bat legibus oppido salutaribus, quibus
etiam hodie dum Successores hanc ci-
vitatem regere solent: otium quoque
eliminabat erecto Bononiæ studio, ac
denique populi indignationibus præca-
vebat, provida frugis in plures annos
provisæ copia, necnon justitiæ Studio,
& immoto juriū cultu: Præcipue ta-
men valebat ad tantam Regiminis fe-
licitatem in Deum religio, & pietas
erga pauperes: omnes enim redditus
suos aut in Divini cultus incrementum,
aut egenorum sublevamen vel ipsius di-
stribuit, vel testamenti tabulis reliquit:
Beatissimam quoque Virginem hære-
dem dixit, quinquaginta scutorum mil-
lium, quam pecuniam in pios quosdam
usus Laureti impendi, ac pauperibus
puel-

puellis in dotem, necnon Studiosis in Sæc. XVII.
 honestam stipem distribui voluit: No^o A. C. 1621.
 bilibus quoque pauperibus, singulis du-
 centa scuta constituit, si qui Cæno-
 bium ingredi anhellenarent: Præterea
 et si Justinianus in ope egenis ferenda
 nunquam parcus esset, Sabbatis tamen
 in Beatæ Virginis honorem pie prodi-
 gus videbatur; in una enim ejusmodi
 die septem miserorum millibus muni-
 fica manu succurrisse fertur. Obiit Ro-
 mæ die vigesima septima Martii anno
 ætatis suæ sexagesimo septimo: Refert
 recentior quidam Historicus, hunc
 Cardinalem defunctum fuisse ex animi
 mœrore inde concepto, quod Pontifi-
 catus honorem concurrentibus amico-
 rum suffragiis sibi deferri sperans, cum
 in postremis comitiis ne quidem nomi-
 naretur, tam luculentam repulsam a
 simulatis amicis concoquere non po-
 tuerit, unde conquestus de injuria e
 comitiis cum indignatione se prori-
 piens illico post Gregorii XV. electio-
 nem ex mœrore decesserit: Hæc si
 vera sunt, raro in terris honores sine
 ambitionis fæcibus fluere, si falsa, ra-
 ro virtutem ab æmulatorum calumniæ
 vacuam esse patet.